

Basa riba tipnan ricibi ayera

Autoridad policial a enfoca e buskeda di Natalee Holloway den area di Savaneta

Comisario vd Straten a desmenti cu detencionnan lo a cai caba




teritorio Mericano, FBI despues di 48 ora ta asisti cuerpo policial. "Nan a reuni diamars atardi riba e caso. Pero polis local ta completamente den control di e buskeda" van der Straten a sigui bisa. Riba e tempo cu lo continua e buskeda, no kier a bisa nada, pero cu e investigacion ta continua full swing.

REACCION OFICIAL DI GOBIERNO DI ARUBA

Gobierno di Aruba a mustra cu hunto cu Aruba Tourism Authority nan ta duna nan cooperacion completo pa asisti y coopera cu e famia den e buskeda di e mucha muher. A mustra cu tin un investigacion tumando lugar di autoridadnan local, asisti pa autoridad Mericano. Aruba ta den oracion cu e famia di Natalee Holloway y ta resa pa un resultado final positivo. No a duna ningun otro informacion.



Sr. Jan van der Straten



ningun informacion di e caso ya cu e ta den investigacion ainda. "Tur hende den hotel ta willing pa yuda si, pero importante ta pa percura pa bon comunicacion cu hendenan di team di investigacion di polis" Van der Straten a bisa. "Duna tur tips den man di polis" e comisario a sigui bisa.

BUSCA NA SAVANETA

Riba e pregunta specifico cu si enberdad lo a detene algun persona, e la mustra cu mientras cu no ta duna informacion, e por confirma cu no tin ningun hende deteni.

ORANJESTAD — Ayera merdia un grupo di prensa, representantenan di ATA y e grupo di International Friends of Aruba a uni forsa y topa na Holiday Inn pa trata e caso di e mucha muhe perdi Natalee Holloway. E intencion ayera tabata pa e mama di e mucha muher, Beth Holloway topa cu e grupo pa asina nan por comparti informacion. Pero na final e mama no a aparece, pero si comisario Jan van der Straten cu ta lidera e buskeda oficial di parti di autoridad local.

RUMOR RIBA DETENCION E comisario a mustra Bon Dia Aruba cu varios di rumornan di detencionnan cu lo a cai, no ta cuadra cu realidad. E comisario a mustra cu nan no ta duna

Mes momento a puntra riba e area di buskeda y cu si esaki ta enfoca na Savaneta. "Ora cu prensa a parti e potret di e mucha muhe, nos a haya tips over di dje y a haya informacion un persona lo a wak e mucha muhe aki na Savaneta. Pesei nan ta pinpoint riba Savaneta" van der Straten a sigui bisa. "Pero nos a haya mas tip" e comisario a sigui bisa, indicando cu nan ta sigui busca tur caminda na Aruba.

NADA HAYA AINDA

Te cu ayera tardi, polis no a haya nada nada di informacion ainda di e buskeda aki. Pa loko ta e relacion entre e mayornan, FBI y polis tambe ta bayendo bon. E comisario a mustra cu ta custumber cu den caso di perdida di un persona Mericano pafor di

Senador di Alabama a involucra State Department den buskeda

Amigonan di Natalee Holloway a resa den misa pa bienestar di Natalee Holloway

Su pueblo di Mountain Brook ta sigui noticia di su buskeda di serca



ORANJESTAD — E noticia di e mucha muhe Mericano perdi na Aruba, esta Natalee Holloway ta garando mas atencion internacional. Den e caso particular aki, den su pueblo chikito di Mountain Brook, esaki ta noticia principal. Combersando cu e director di noticia, Peggy Carpenter, e la informa nos cu tur atencion e danan aki ta riba e buskeda cu ta tumando lugar aki na Aruba.

SANTO SACRIFICIO

Mes momento einan tambe tin actividadnan tumando

lugar rond di Natalee. Entre nan, e amiganan cu si a bolbe Merca, nan a uni den nan iglesia, Mountain Brook Community Church. Nan tabatin un santo sacrificio grandi diamars anochi y tabata plania pa topa atrobe ayera atardi pa continua e resamento.

STATE DEPARTEMENT

Mirando cu e famia di Natalee ta uno hopi poderoso y cu placa, nan tin acceso na entre otro senador di e estado Richard Shelby cu a bisa cu e la involucra State Department den e asunto aki, y tambe

tin agentenan di FBI di Bermuda cu a mobilisa pa Aruba pa asisti cuerpo policial cu e buskeda di e mucha muher.

BIAHE PA ARUBA

E biahe di e grupo di mucha, tabata un biahe di grupo di graduado di scol secundario, cu apenas un siman prome a gradua. "E ta un custumber pa muchanan cu gradua for di scol secundario akinan, biaha den grupo pa un destinacion y e biaha aki nan a opta pa bai Aruba" Carpenter a bisa. Y e grupo aki tabata uno grandi di 140 estudiante hunto cu nan chaperone. Segun Carpenter, e version einan ta cu ora cu e grupo aki a reuni dialuna pa bandona Aruba, Natalee no tabata presente. "Aki ta unda cu e prome alarma a zona" Carpenter a continua bisando. Ora cu e grupo aki a bolbe, nan a yama nan mayornan, e mayornan na nan turno a yama e pastor local cu a pone varios sirbishi di misa hunto pa resa pa Natalee Holloway.